



MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais a Mina Mader madertrans@bluewin.ch
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Zanetti, furnaria Clalüna, Grotta da Cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel mas-chalch vegnan ramassats da Mina Mader. Scha pussibel giavüschaina texts in fuorma digitala.

ARRANDSCHAMAINTS

Societats chi vöglan publichar arrandschamaints han seguaintas pussibilitats:

- a) Mas-chalch da Sent : tenor infuormaziuns sülla prüma pagina
- b) Pagina dad internet www.sent-online.ch: annunzchas per mail a Cla Rauch, cla.rauch@bluewin.ch
- c) Chalender d'arrandschamaints da la destinaziun turistica:
www.engadin.com => "Allegra das Veranstaltungsmagazin" => Veranstaltungen erfassen opür
<https://www.engadin.com/de/planen-buchen/allegra-veranstaltungsmagazin>

Quellas occurrenzhas vegnan publichadas eir ill'Allegra, schi sun annunzchadas avant il termin da la fin da redacziun da l'Allegra.

AVIS - Adöver chaistas nairas

Il cumün da Scuol nun ha plü adöver pellas chaistas nairas. Societats chi lessan publichar lur occurrenzhas ed infuormaziuns illas chaistas nairas pon manar avis in fuormat A4 pro Mina Mader adüna il marcurdi. Ils avis vegnan piazzats adüna la gövgia illas chaistas nairas.

PER NOSSAS SENIORAS - PER NOSS SENIORS

Giantar d'Advent pellas senioras e pels seniors

Dumengia, als 17 december 2023 a las 12.00 in Chasa Misoch.

La società da duonnas invida a tuot las personas sur 70 ons a l'Advent tradiziunal.

Annunzchas fin il plü tard dumengia, als 10 december 2023 a Dorathea Stupan 081 864 04 75.

Adüna il **lündeschdi, a las 14.00 in Chasa Misoch**: Gimnastica per las duonnas, Pro Senectute, manadra Elisabeth Poo, tel. 081 864 18 20

Adüna il **marcurdi a las 14.00 in Chasa Misoch**: Società da duonnas infuormaziun: Dorathea Stupan, tel. 081 864 04 75

SOCIETÀ D'ÜTIL PUBLIC – concerts illa baselgia da Sent - <https://sent-concerts.ch/konzerte>
Ingüna reservaziun da plazzas - la chascha es averta ün'ura avant il concert.

Mardi, als 26 december 2023, a las 17.00, CHF 25.-

MELODIAS FESTIVAS

Roswitha Killian – viola, Angela Killian - clavazin

Il duo Killian sunarà la „Gambensonate“ da J.S. Bach, üna romanza da Max Bruch e la sonata in Es-dur da Johannes Brahms

Venderdi, als 29 december 2023, a las 17.00, CHF 25.-

FIN E PRINCIPI DA L'ON

Julia Schröder – violina, Elisa Siber - cello

Las duos musicistas talentadas da Basilea ans manaran in ün oter muond – cun ouvas dal baroc fin pro Zoltán Kodály, Béla Bartók. I darà amo alch surpraisas da musica populara da „Gypsy-Genre». Ed impè dals fös artificials da Silvester (chi sun scumandats) ans prepararana per la müdada da l'on cun Czardas da Monti chi sun plain energia.

Marcurdi, als 3 schner 2024, a las 17.00, CHF 25.-

CONCERT DA BÜMAN

Cristina Janett – cello, e seis bap Curdin Janett – orgel da man; Janic Sarott –percussiun e sia sour Flurina – violina; Aita Gaudenz - clavazin

Cun ün püschel festiv da musica populara ed improvisaziuns classicas cumanzaina l'on nouv. Ils tschinch musicists engiadinais, a no tuots cuntschaints, preschantaran eir aignas cumposiziuns da diversas spartas.

43avel Turnier da ballarait a Sent

Als 9 e'ls 10 da december 2023 haja nom a Sent pella 43avla jada: «Turnier da ballarait». Dürant quella fin d'eivna vaina giovà a ballarait in sala da gimnastica da la scoula da Sent. Quist on han lö darcheu 2 turniers, ün turnier da di (uffants da s-chalin ot e creschüts) ed ün turnier da not (be creschüts).

S'annunzchar po minchün sco singul, las gruppas vegnan fattas dals organisateurs. I füss bel da verer passas, salvadas, smashes e fintas da giuven e vegl, principiant ed avanzà, scolar e routinier.

T'annunzcha fin il plü tard in lündeschdi, ils **4 da december 2023** pro las seguintas mattas:

- Nora Sedlacek: 076 688 42 50

- Laura Andrighetti: 079 921 10 81

Las taxas da partecipaziun sun las seguintas:

di e not: CHF 40.- (inclus la tschaina e'l püschain)

be di: creschüts CHF 10.-; (uffants gratuit)

be not: CHF 35.- (inclus la tschaina e'l püschain)



Dürant tuot la fin d'eivna daja üna pitschna restoraziun publica in saletta.

No'ns allegrain da verer quella fin d'eivna eir a tai in sala da gimnastica.

Flavio Vital e Gian Caviezel

CORPORAZIUN EVANGELICA SENT

Cults divins

DUMENGIA, 10 DECEMBER

Cult divin per la segunda dumengia d'Advent

10.00, tudaisch/rumantsch, rav. Maria Schneebeli

Orgel: Pasquale Bonfitto



DUMENGIA, 17 DECEMBER

Cult divin per la terza dumengia d'Advent

10.00, rumantsch, pred. laica Seraina Guler

Orgel: Marcel Stecher e Leta Mosca

GÖVGIA, 21 DECEMBER

Bös-chin cun la scoula da Sent e pred. laica Seraina Guler

19.00, rumantsch

Orgel: Leta Mosca

DUMENGIA, 24 DECEMBER

Cult divin per la Vigilia da Nadal

17.00, rumantsch/tudais-ch, rav. Stephan Bösiger

Orgel: Gian Andrea Caratsch

LÜNDESCHDI, 25 DECEMBER

Cult divin per la Festa da Nadal cun Soncha Tschaina

10.00, rumantsch, rav. Stephan Bösiger

Orgel: Peder Vital

DUMENGIA, 31 DECEMBER

Cult divin da Silvester

19.00, tudaisch/rumantsch, rav. Maria Schneebeli

Musica: Urs Wittwer, orgel e Regula Ursprung, flöta a travers

Divers

DUMENGIA, 18 DECEMBER, 4. ADVENT

Chant d'Advent

20.15 pro'l bügl da Plaz. Tour cun sai il coral.

Grazcha fich a Gianna Bettina Gritti chi invida a da gnir a chantar las chanzuns d'Advent e Nadal.

FANESTRAS D'ADVENT A SENT

Eir quist on daja darcheu las fanestras d'Advent. It a verer e giodai la bellas fanestras decoradas. Our da motivs d'energia sun quellas ingluminadas tanter las 17.30h e las 20.30h! La glista es publichada i'l Mas-chalch e sülla pagina Sent-online, pro'l Turissem ed illas butias. Grazcha fich a tuot chi chi contribuisha ed a Gianna Rauch Poo chi ha organisà.

Comunicaziuns

Glüm da la pasch

Davo ils cults divins da Nadal dals 21 e dals 24 december vain scumpartida la glüm da la pasch. A Seraina ed Andri Guler ingrazchaina ouravant pel servezzan.

Chant d'Advent

DUMENGIA, 17 DECEMBER, a las 20.15, Plaz

Grazia fich a Gianna Bettina Gritti chi invida a tuots e tuottas al chant tradiziunal cun chanzuns d'Advent e Nadal.

Tour cun sai il Coral.

Cul prüm da schner pudaina bivgnantar a rav. Hans-Peter Mathes illa pravenda da Sent, el es qua sco rimplazzant in ün mez pensum. Sar Hans-Peter sta in chasa pravenda e resta pro no fin in avrigl. Ed el ha qua üna prüma comunicaziun:

Liebe Mitglieder der Kirchgemeinde Sent

Von Januar bis April 2024 darf ich den Pfarrdienst bei Ihnen übernehmen und freue mich sehr darauf. Ich heisse Hans-Peter Mathes und wurde im Mai 2022 nach fünfundzwanzigjähriger Dienstzeit in der Kirchgemeinde Seuzach (bei Winterthur) pensioniert, bin also gute 66 Jahre alt.

Für vier meiner insgesamt sieben Gottesdienste, die ich in dieser Zeit mit Ihnen feiern werde, habe ich den Wunsch, einen Konfirmationsspruch ins Zentrum zu stellen.

Dafür suche ich nun Menschen, die bereit sind, sich mit mir über ihre Erinnerungen an die Konfirmationszeit zu unterhalten und darüber nachzudenken, ob ihr Konfirmationsspruch in ihrem Leben vielleicht eine gewisse Bedeutung hatte, eine Rolle spielte.

Am spannendsten wäre es natürlich, wenn wir Erfahrungen und Erlebnisse aus ganz verschiedenen Jahrzehnten zusammentragen könnten. Für eine erste Kontaktaufnahme wenden Sie sich doch bitte an die Kontaktperson der Behörde, Barbla Buchli.

Mit freundlichen Grüßen Hans-Peter Mathes

GROTTA DA CULTURA – infuormaziuns detagliadas i'l Allegra e suot <http://www.grottadacultura.ch>

Gallaria e bar-café / Galerie und Bar-Café
mardi e sonda / Dienstag und Samstag
Nus ans allegrain da Lur visita!

17:00 -19:00

Exposiziun

"ZEIT DER STILLE" tagls da forsch e sculpturas da Werner Kleiber

Sonda, mardi 17.00 - 19.00

Werner Kleiber viva e lavura ad Ebikon e daspö plüs ons eir per part ad Ardez.

Las lavurs in quista exposiziun muossan üna pitschna survista da sia actività artistica e sun independentas da lös exteriurs, ma ellas s'han pel solit fuormadas d'ürant la tschercha da pusiziuns internas.

Il müdamaint da las chosas, la naschentscha e'l trapassar illa natüra ed illa vita sun sias funtanas d'inspiraziun. Las ouvras svesa as fuorman adüna i'l process da l'experienza actuala e la confruntaziun culmaterial.

Quist möd da lavurar as müda per el mincha jada in ün temp da quietezza e survain ün character meditativ.

Klezmer Kapelye e Jaap Achterberg – «Rothschild's Geige»

La Klezmer Kapelye accumpogna la prelecziun dal raquint dad Anton Tschechow cun Jaap Achterberg.

Venderdi, als 24 november 2023, a las 20.15 i'l piertan da la Grotta da cultura

L'istorgia

Jakov, il falegnam da vaschels da 70 ons viva cun sia duonna Marfa in üna pitschna cità. Perquai cha be pacs mouran tils vaja mal. Minchatant, cur chi manca ün güdeu aint il orchester, guadogna Jakov ün pèr copecas implü cun til sustgnair sunond sia gïa. El s'agita adüna sur dal flötist Rothschild chi suna dasper el, perquai cha pro quel tuna eir la melodia la plü lustiga adüna trista...

Recitaziun: Jaap Achterberg

Klezmer Kapelye:

Franco Mettler, clarinetta

Laura Zangger, gïa

Michel Estermann, guitarra

Res Coray, gïun

reservaziun: www.grottadacultura.ch

Patria - Heimat


Concert cun Flurina e Janic Sarott

Gövgia, 14-12-2023 20.15 Grotta da cultura, Piertan. 25.00 / 20.00

Ils fradgliuns Flurina e Janic Sarott da Scuol preschaintan aignas ouvras per marimba e gïa cul tema "Patria". Culs titels sco "Inceschantüm", "La Clemgia", "Randulinas" o "Al pass Longhin" as poja far ün viadi musical tras las vals da l'Engiadina - interpretà dals clings chods dal marimba e las melodias finas da la gïa.

Davopro bar averta. Bus da cultura gratuit vers Scuol, Ftan, Ardez, Tarasp

FANESTRAS D'ADVENT 1. – 24 DECEMBER 2023



1	Milla Nogler
2	Ruben Bodenbeläge, Susanne
3	Fam. Franziscus e Zini, avert 18.30h
4	Butia Schlerin
5	Scoulina Sent
6	Chascharia Sent
7	Mica Sedlacek
8	Ursina Margadant, Plaz 42, avert 17h

9	Sidonia Janett
10	Tina Weiss
11	Tuortaria Daniela Risch, avert 17h
12	Fina Zanetti, avert 17h => Chasa Curtina
13	Furnaria Clalüna
14	Nataglia Roner-Caviezel
15	Martina e Daniel Vital, avert 18h
16	Beatrice Metzmacher

17	Romana Poo
18	Andrea Benderer
19	Marianne Werro, avert 18h
20	Nienke Ebben
21	Chiara Staub
22	Fisioterapia Genni Ganzoni Aebi
23	Sport Champatsch, avert 17h
24	Alice Vollenweider

